

安吳四種卷第二十

管情三義卷第四

涇縣包世臣慎伯著

詩一

乙巳襍詩

寒蟬鳴白稠，棲禽啼不喧。晨出望墟落，抵暮無炊烟。  
長夏既不雨，秋末已嚴寒。質賣亦略盡，流亡日以繁。  
災情既不達，誰貰下忙錢。哀哉鞭撻餘，舍命自投淵。  
萬里誠金湯，哀鴻抑可歎。曰余雖孺子，念茲憂如煎。

聖君懷如傷，視聽寄屏藩。良臣致忠愛，唯在仁化宣。  
誰其念災黎，馳傳速一言。及聞賑緩

詔肉骨頌荒村

綵鳳飛鳴來五色斑雲霄赤野落哀鴻喁喁歎渥膏赫斯  
親民侯料人乘錦輅曰吁聽無譴宦況茲蕭條蠅頭良亦  
微勿謂肆漁牟居貴豈無心升階有遞高爪牙胡假威血  
枯腹其骸入封塊作銀量小飧無朝歎息若貴人毋念  
聖衷勞願緩及微稔肥囊不若誓

丙午春入江寧城見文武各署演土地會劇感賦

先王相吾民祀神致冥祐故歲不順成遂塞社蜡酌神律  
比課吏失職當自疚餓鬼哭徧地焉能樂笙奏去秋地盡  
赤冬雪尙存岫二麥浪翻處白骨無老幼子遺十四五

足面皮皺活於

賑給者近復疫癘邁算到青黃交尙須百日後民災吏束手神亦無術救二月之二日演戲爲神壽信矣杜陵言朱門酒肉臭

三世父假太岡寺居家嚴課讀口占示十七弟子和

赤地秋大禡春熟隔青黃遠舉雙飛鴻云何謀稻粱黃鳥有集栩白駒無食場君子幾在陳挈我適諸兄拮据備薪水講席借太岡我年十有二而亦十齡強並作千里遊隨侍嚴君旁我母家哺妹饗飧饜糟糠而慈况永謝父鬢欺秋霜趙至聞叱牛捧書涕淋浪我而荒於嬉豈不媿中腸

我苗實黃茂而亦非莠稂而我衣食晏世父手足僵詔而  
初亭午冉冉已夕陽何以慰劬勞努力希顯揚

丁未雜詩

建康評事街春燈戲灼爍三江賢制軍知與民同樂首縣  
勤報効飛籤梨園索聚其年少艾擇其貌締約分班裝古  
事嬉笑兼戰搏自從興燈來視茲總洛度人聲觀者夾巷  
達男女皆踴躍送至制軍轅轅前鼓吹作綵張春花空中  
庭垂珠箔忽聽急駟來燈戲盡驅卻滿漢民百萬閤然齊  
一愕雜以傳呼聲終夜懽心魄明晨詢標兵答言閩南蹊  
縮舌復不言雙眸淚雨落

天南湧赤浪，山立翻鴻溟。飛濤撼江淮，萬里鏗雷霆。青雲  
方干呂海隅，歌德聲干羽舞。百年樞運三階平，天吳爾何  
物。出沒驕長鯨，稽戮哀窮魚。肝腦塗沙腥，安得任公釣三  
權。觀深情飄然浮嶠去，綸卷澄滄瀛。

月夜江行家君命和

流鏡落澄練，開帆入浩素。隔浦風悲筇，扣舷衣滋露。疏烟  
織平林，明沙數棲鷺。空翠沒層瀾，遙蒼蕩寒霧。聞詩卽孔  
庭，辨樹鄙謝句。奇懷撰良辰，慚誦東征賦。

隱仙觀聽王樸山煉師彈琴

遙認隱仙觀，獨訪王先生。入門覺警耳，滿耳皆秋聲。高堂

卷二十一  
三  
捲湘水淒淒有猿鳴  
頓令炎夏日坐客心懷冰  
吾師眞隱仙此藝信無前  
他時跨鶴去應在洛西傳

留別仙人磯禪閣

古寺臨江立輕舟一葉橫  
詩魂依酒白禪夢繞棋枰  
雲濕朝簾重江流夜檻明  
不堪揮手去煙際望飛螢

題第一塔最上處

九級壓晴煙盤梯百棧連  
誰攜謝眺句搔首問蒼天  
俯見白門柳酒樓無謫仙  
廣陵暮濤起飛翠畫寮前

秋日散步鷄鳴寺北極閣鼓樓鐘樓至小倉山房小憩題

壁

鷄籠足遊人六學蹟誰問訪桂到小山承蓋惜非任

艤舟謁翠螺風利不果

欲謁謫仙去停橈不自由興迂波浪闊夢鎖水煙愁星落  
江寒重螺旋石翠流應嘆汗壁語未許得重遊

朝發二首

朝發桑坑鋪暮至案嶺頭嶺頭一登望見我故山秋故山  
別四載晚烟殊疏稠問吾偕行人吾茲其夢不抵門叩屈  
騰驚聲問歸客門開見大父鬚鬢更前白二妹趨牽兄道  
妹苦相憶妣兄訝兒瘦抱兒淚珠滴二妹亦無眠寒燈對  
終夕

羣衆立或坐環我語言喧執手再回顧嘉亨今何存阿嬭  
淚泣然欲言聲復吞連年遭荒歉糟糠不飽餐以此苦飢  
寒釀爲癯下患歸魄西藍堦草宿霜莖繁炎夏月色黃或  
見新鬼魂小兒隱拭涕褰衣倚牆根近來時入夢索食仍  
呻吟我諸兄六人餬口各散分諸弟亦六人嘉亨相頗敦  
齟齬飢已卒生也初何恩侍遊閱四年艱辛豈備論不謂  
四年間同氣有凋殘死者旣已矣生者詎自完載諷北門  
詩憂心終殷殷

遊鍾山二首

昔聞沈光祿願從息心遊今來北阜峻桂枝揚芬秋霧擢

江樹薄。一覽青徐收。地脈結南戒。流英鍾七州。豈無草堂  
秀。雲窟緘名道。赤巖綠蘿古。鳥跡飛真留。風泉瀉松澗。萬  
壑龍鳴脩。耳塵滌仙樂。勝洗清潁流。何當遇青鬟。紫金經  
可求。跪讀三千日。一雪山靈羞。石扇不我闢。空望鈿霞樓。  
眄彼樓中人。萬里霜煙愁。

懸崖若飛觀。雲石斑蒼青。苔暈遊鹿跡。松濤鳴鶴聲。香霧  
薄亭午。隱隱見柴荆。長鬚一老者。侍童二娉婷。了知是金  
仙。再拜求丹經。借我一卷書。謂我骨甯馨。以正則治國。知  
奇乃用兵。展之皆赤文。駁蔡不可明。跪請授真訣。輕靈觸  
騰生。雲生忽天半。仙樂飄縱橫。

子夜春歌

子規啼起繡窗閒，見說紅旗繞玉關。  
寄語香風緩催信，好留春色待郎還。

代團扇篇

薰風入羅幃，習習吹我魂。  
良人惠攜手，巧笑如春雲。  
春雲在何許，含情理新紉。  
繡作乘鸞女，引領晨風翰。  
願偕區區心，千里承古歡。  
匪美織文巧，唯悲行路難。  
何日八君懷，得毋過時歎。  
幸塵君笥中，敢怨秋風寒。  
齊紅甲天下，微物寧足觀。  
徒念惠綏德，終夜思漫漫。

登天下第一塔

浮屠一千尺，中極斷靈鼇。麗界金繩立，登盤玉磴勞。九成窮道力，一氣捲神臯。浴景遲文柄，驚風早法旄。棋流天闕翠，簷轉海門濤。鱗起秋蒼遠，簪垂越霧高。毒龍潛德水，仙梵奏雲璈。應照迷方誤，降心見白毫。

白門倚棹待月

長嘯白門樓，北山高素秋。蘆花風一夜，空繫木蘭舟。垂柳亦如昔，青蓮逝不留。倒瓶佳句歇，霜月始應愁。

雜詩

轉蓬捲秋高，客心鬱不寫。躑躅青溪上，徙倚長松下。浮雲滋暮色，棲煙寒四野。衰枝歸鳥疾，薄浦去帆寡。搖搖倦遊

人誰與遣此者

月霽知野深。岫高望未遑。遙泉度風聲。疎林棲煙色。沈寂  
總中宵。殊響感疇昔。妙物信爲賞。懷人良已戚。

古朗月行

辛亥五月十四夜見月望作

震符借夕照。桑榆懸玉鉤。飛鏡來雲端。皎皎明瑤樓。五月  
陽尚壯。清瑟忽如秋。但見圓影垂。萬方無不周。垣次何微  
茫。庶星搖漢流。詎須騰精化。故知陰力稠。啞啞南飛鳥。能  
忘爰止愁。精誠誰與鑒。徒勞杞客憂。憂勞竟如何。惻惻成  
此歌。

擬塞下曲

飲馬河西岸，懸營塞北陁。五行聽律響，三法望塵形。夜月迎翰電，晨霜凍絳星。樓蘭如可斬，熱血報彤庭。

紫塞颺沙暗，旄頭赤焰明。九天飛虎竹，五將按龍兵。百戰甘酬國，三傷敢丐生。如何留一矢，竟爲下聊城。

冒頓騎如虎，嫫姚怒若霆。銜枚乘霧月，轉戰度沙溟。風卷千營黑，河流萬骨腥。從他閨閣夢，夜夜到龍庭。

耀武矜雄略，囊弓尙廟謨。由來深畏服，不在嗜殘屠。弦勁鳴霜月，兵奇散雪烏。何當遵上伐，長此弛天弧。

雜詩薄暮

春風薄暮起，習習開羅衣。明月雲間來，皎皎窺空帷。感此

不成寐徘徊階露滋坐惜天桃花努力修榮姿佳人在遠  
道薄采將何時願因北飛鴻寄君遲暮思

翟儀仲丈

輦

墓下作

忽忽過荒墓長懷翟秀才神期昨諒笑交采竟蒿萊寒谷  
泉空咽衰楊葉自摧誰憐霜草宿蕭颼北風來

租圃

小子方成童嚴君苦多疾返哺慚飛鳥空抱趙至泣蔬圃  
力可勝鄰地幸有隙方開三十隊租之二斛麥依牆植山  
藥瓜藤緣之密蘿芥期禦冬饕餮永夏日采采上村市朝  
夕無壅積差足供米柴餘以買藥物書史幾荒蕪溫故趁

暇夕懼孤遺經訓非羨朝隣客

機灌

予圃托地高不易得水力山泉伏入村溝池何湜湜圃左  
兩石版省知舊溝蹟地勢比予圃低以七八尺揭石鑿小  
池下流斯可積取竹納池中屈曲與水射激水出竹梢入  
隊如潮汐機心豈能無俯仰總開益推此利吾民庶幾霸  
者澤

櫓上望水西

翠玉殿屏風秀色連城遠白雲如相待向我遙舒卷緬惟  
坐茅人神期一在眼言願走輕筇積慮於此遣

吾慕

吾慕魯連生被褐抱清真  
韶光終不發脩然自無塵  
片言拚田巴隻箭債燕軍  
先名旣排患行已亦潔身  
恥學鴟夷翁胼胝謀家珍  
翩然拂衣去東海一孤雲

雜詩

待月出東軒遲客步南阪  
陰風斂纖雲空氣升薄埃  
芳麻展中期雲臺玉鏡開  
河漢勿如洗佳人殊不來  
虛聲謂聲咳隱色想光儀  
其雨念徒結引領情欲摧  
俯仰且自割無爲空徘徊  
冰輪不可掇皎皎光堦苔  
苔俯察白露滋仰觀明星  
迴芳醕良可酌誰與伐金甌

改詩

余性頗近詩。亦有學古力。每於靜夜中。諷詠徧千百。平流若無奇。深思求有得。廬山參耒真。屏氣似不息。如此三四年。古人意可識。譬彼山陰書。芒角無偏側。涉世况崎嶇。一練心魄。詩趣觸世態。崛崕羅胸臆。落筆翻奇艱。猶獺殊疇昔。迺笑昔猖獗。真同蔭不擇。亦或有志興蕪穉。多傷格苦煉。刊陳言。真氣浮奕奕。雕琢當未安。不覺廢眠食。始信古作者。此境先我歷。

刪就詩稿。屬十九弟季懷錄之。

次韻三千日。稿累六百首。意若有深得。不自覺其否。事斯